

Insuper declaravit predictum Generale Definitorium (ad omnem ambiguitatem tollendam) quod tempus Gubernii Vicariatus Generalis totius Ordinis non habeat locum, nec habere possit, casu quo expleatur electionis sexennium. Præterea declaravit, quod etsi jure nostrarum Constitutionum omnes Vocales Capituli Generalis convocari judicentur ad Capitulum generale quando expletur sexennium, Magister tamen Generalis tenetur opportuno tempore illos ad celebrationem dicti Capituli convocare.

Electores.

29. Item cum præter Electores Magistri Generalis a Constitutione capite tertio 2. dist. determinatos, duo alii in qualibet Provincia designentur, & canonice electione similiter per secreta suffragia eligantur ex decreto Capituli Generalis Matritensis a subsequentibus, & diuturna consuetudine confirmato, itaut in qualibet Provincia quinque sint Electores suffragium habentes in Capitulo Generali, Provincialis nempe, & quatuor Socii, quorum duo titulo Definitorium, alii vero Electorum Generalium gaudent, decrevit predictum Generale Definitorium, quod qui titulo Electorum designantur tantum habeant suffragium in qualificatione Vocalium ante electionem, & in electione Magistri, ac Domus Capitularis, non autem in aliis Definitoriis, servando in hoc consuetudinem Religionis a Capitulo Generali Murcienfi approbatam, & confirmatam, & similiter, quia dicti Definitores, & Electores Capituli Generalis debent esse gradu Magisterii, vel Præsentaturæ insigniti, vel saltem per viginti annos a professione antiqui, ut in electione Magistri possint habere suffragium, juxta Decretum Capituli Generalis Barchinonensis a subsequentibus confirmatum, & observatum: decrevitque predictum Generale Definitorium, quod tempus prædictæ antiquitatis viginti annorum per authenticum, & fide dignum transcriptum Professionis constare debet.

Procurator Rom. Curie.

30. Item cum quicumque in Romana Curia in Officio Procuratoris Generali strenue, & cum approbatione communi per quinquennium se gesserit, si fuerit Magister, vocem habeat in Capitulo Generali proxime immediate futuro, ex decreto Capituli Generalis Toletani a Sanctissimo Urbano VIII. confirmato, decrevit predictum Generale Definitorium, quod talis Procurator Generalis non tantum habeat vocem in electionibus Capituli Generalis, verum etiam in omnibus Definitoriis illas subsequentibus usque ad abolitionem Capituli, cum præcedentia loci ad omnes Definitores Generales.

Subrogatio.

31. Item predictum Generale Definitorium approbavit, ac confirmavit Statutum Capituli Generalis Murcienfis, quo decernitur, quod in electione Definitoris, vel Electoris Generalis, loco illius, qui morte, vel impedimento legitimo Capitulo Generali assistere nequit, quæ 2 Definitoribus Provincie simul cum Provincia

li fieri debet, vocem habeat Magister Generalis, si præsens fuerit, minime tamen Vicarius Generalis Ordinis, qui loco Magistri succedit.

Vicarius Capitali Gener.

32. Item approbavit, & confirmavit predictum Generale Definitorium Statutum Capituli Generalis Murcienfis, quo decernitur, quod non possit Vicarius Generalis, aut Provincialis a die vacationis Magistratus usque ad novam Magistri Generalis electionem, aliquem Electorem, voce activa privare: quod etiam extendit hoc predictum Generale Definitorium ad vocem passivam, quod si ratione alicujus delicti, vel ob alias causas sit inhabilis, & suffragandi actione ex jure communi, & suffragandi actione ex jure communi, vel nostrarum Constitutionum careat, a Capitulo Generali ante electionem accuratim scrutetur, ac decidatur.

33. Item cum omnes Vocales Capituli Generalis, ut moris est, die immediate præcedenti ad diem electionis in Conventu designato ad illam conveniant, ibi a Præside Ordinis, & Capituli benigne suscipiantur, & Vicarius Capituli nominetur, qui jurisdictionem ordinariam super omnes Capitulares, & alios Fratres ad Capitulum concurrentes exercebit: talis autem Vicarius est eligendus ex Capitularibus illius Provincie, in qua celebratur Capitulum Generale, vir providus, religiosus, pacificus, & virtute præditus: quam consuetudinem approbavit, ac confirmavit Capitulum Generale Murcienfe, & hoc predictum Generale Definitorium decrevit servari.

Eadem autem die, qua prædicti Vocales ad electionem in præfato Conventu convenerint, vespertina sessione congregata, & facta commemoratione pro Sanctissimo Domino Nostro Papa, & felici statu Ecclesie, & pro Rege, pro Benefactoribus Ordinis, & Captivis Christianis vivis, atque defunctis, prout in capite decimosextimo de Capitulo quotidiano in nostris Constitutionibus statuitur, Præses electionis brevem & piam orationem habeat, qua Patres Electores de fine conventionis moneat, simulque ad electionem novi Magistri Generalis recte, legitime, & canonice peragendam hortetur, virtutesque, prudentiam, & doctrinam viro eligendo necessarias exponat, qua peracta, ad examen Vocalium procedat, & primo præcipiat, idque secundo, & tertio moneat, ut si quis aliquem Vocalium in Definitorio aliquo impedimento legitimo, vel censura ecclesiastica innodatum (ratione cujus in electione non habeat suffragium) assistere sciverit, continuo manifestet.

De electione Magistri Gen.

Quod si aliquis reperiatur, & sufficienter probetur, tale pati impedimentum, a Definitorio declaretur, & de Capitulo ejiciatur: ita ut in hac sessione omnes Vocales examinentur, & ad futuram die sequenti electionem certo numero statuatur. Et die sequenti primo mane ad auroram omnes Vocales legitima voce ad electionem pridie designati in loco Capitulari conveniant,

niant, ibique celebretur Missa Spiritus Sancti, & Concio literalis Latino idiomate ad Electores habeatur, exhortando eos ad rectam, & bono communi utilem electionem; qua finita omnes flexis genibus: Hymnum, Veni creator Spiritus, cantent, & Præses, surgens, dicat: Emitte Spiritum tuum &c. Dominus vobiscum, &c. Oremus, Deus qui corda fidelium, &c. & sic ad electionem procedatur forma juris juxta nostras Constitutiones servata. Magister Generalis post electionem usquedum a Sancta Sede confirmationem sui Officii obtineat, eo fungatur, non tantum sub titulo Vicarii Generalis, ut in Constitutionibus sancitur, sed etiam Generalis electi, ex consuetudine Religionis ab hoc prædicto Generali Definitorio approbata, & confirmata.

Electio fit per excessum.

34. Circa, quod est observandum, ut omnis ambigendi locus relegetur, quod si numerus suffragiorum sit impar, verbi gratia, si Vocales sint viginti, & novem. (qui numerus ex duabus partibus inæqualibus constat, quarum una habet quindecim, alia vero quatuordecim) ille qui habuerit quindecim suffragia, dummodo non sit ex numero eligentium, sit legitime electus, si vero ex numero illorum sit, indigeat alio suffragio ultra quindecim, ut suum ipsius suffragium sibi profuisse non æstimetur: si autem in aliqua schedula, seu suffragio Scrutatores reperiant aliquam subscriptionem, vel signum, aut chirographum, ratione cujus deveniant in cognitionem eligentis, vel si nihil reperiant scriptum, aut si aliquod suffragium in favorem alicujus inepti reperiatur, non propterea aliquod præjudicium electioni sequatur; sed talis schedula subscripta, & signata, velut alba, in favorem inepti separetur, & pro suffragio cassato reputetur, & habeatur, ac postea cum cæteris comburatur, quæ omnia servari debent, tam in prædicta electione Magistri, quam in electione Provincialis, ac in omni electione canonice faciendâ.

35. Item prædictum Generale Definitorium confirmavit, quod Capitulum Generale Murcienfe erga Officium Magistri Generalis decrevit nempe quod Magister Generalis in toto Ordine Generalem habeat potestatem; illam (inquam) quæ jure Superioribus cujuslibet Religionis est concessa, & in posterum concedenda ad omnia, ad quæ ex nostris Constitutionibus non limitatur, curamque præcipuam totius Ordinis, & administrationem gerat. Unde per se solum eam potestatem in toto Ordine habeat in omnibus, & singulis, quam Provincialis in sua Provincia, & Commendator in sua Commenda. Insuper eam, quæ ad rationem sui Officii ex jure communi, ex privilegio, vel ex nostris Constitutionibus ad eum spectat, verumtamen in inferiorum Prælatorum Ministerio non se immisceat, nisi vel ob eorumdem defectum, vel cum prudentia, & quando ratio id postulaverit semper tamen inferiores illi parere teneantur, & licet capite trigesimo primo, de modificatione penarum prima

distinctionis nostrarum Constitutionum detur facultas Magistro Generali dispensandi, & mitigandi in poenis a Constitutionibus taxatis, monetur tamen ne libere, & cum facilitate dispense, nisi transacta jam majori parte poenitentia, prævisisque in poenitentibus manifestis, & evidentibus signis doloris, & correctionis.

Juramentum a Generali præstandum.

In juramento a Generali electo post electionem juxta nostras Constitutiones præstando, debet addi, & jurare tenetur, se observaturum capita Concordiæ inite cum familia Discalceata circa Ministerium Redemptionis, prout in ea continetur. Posterit Magister Generalis præsidere in Capitulis Provincialibus per se ipsum, vel per Vicarium suum idoneum, & prudentem ad hoc specialiter deputatum; & primam vocem habeat, tam ipse, quam ejus Vicarius in omnibus electionibus, Ordinationibus, & Definitoriis usque ad abolitionem Capituli.

Tempore electionis poterit Magister Generalis convocare ad celebrationem Capituli Provincialis omnes Vocales illius Provincie, literis convocatoriis, eas mittendo immediate Provinciali illius Provincie, ut eas continuo manifestet, & notas faciat in Capitulo pleno Conventus, ubi præfens extiterit; deinde eas ad omnes alios suis consuetis Itinerariis mittat. Si autem Magister Generalis, aut ejus Vicarius fuerit in aliquo Conventu illius Provincie, ubi tale Capitulum celebrandum sit, prius prædictæ literæ convocatoriæ notæ fiant prædicto Conventui in Capitulo pleno, & postea eas mittat, ut dictum est.

Quod si Magister Generalis hujusmodi literas convocatorias opportuno tempore (duobus inquam mensibus immediatis ante complementum triennii) non miserit, Provincialis, & in ejus defectu Vicarius Provincialis suis literis ad celebrationem dicti Capituli convocare poterit: eadem facultas Vicario Magistri in Præsidem Capituli nominato conceditur. Magister Generalis in concurrentia Capitulum Provincialium, potest quodlibet eorum per quadraginta dies a complemento triennii quocumque anni tempore anteponere, vel postponere, & uni, & alteri interesse possit ex Decreto Sanctissimi fel. recor. Clementis VIII. & nova declaratione S. C. R. sub die duodecima Decembris, de anno millesimo sexcentesimo quadragesimo quinto, quæ facultas etiam conceditur ab hoc Generali Definitorio, Decretum Capituli Generalis Murcienfis confirmando, prædicto Magistro Generali, quamvis non sit concurrentia Capitulum, sed unicum tantum celebrandum, si alias expedire visum fuerit.

36. Ad Magistrum pertinebit (juxta Constitutiones nostras de instructione, Officiorum) in electionibus, si præfens fuerit, Electores dirigere, modeste, charitative, & religiose eos monendo, hortando, & instruendo, imo etiam suaviter suadendo ad eligendam personam digniorem, & magis

& magis idoneam Capituli, ipsius virtutes veras, & regimini necessarias ostendendo, & quando obfuerit, per literas ad Capitulum, & Electores Missas dirigendo.

37. Quamvis jure nostrarum Constitutionum capite quinto distinctionis secundae Magister Generalis possit dispensare cum Fratibus in nonnullis rebus aliquas gratias, & exemptiones (absque tamen aliorum praedictio) Religiosis concedere, nihilominus tamen, ut cessent multa inconvenientia, quae experientia magna esse comprobavit, Magistro Generali imposterum illas concedere, vel cum fratribus dispensare minime licebit: Expofuit tamen praedictum Generale Definitorium, quod poterit Generalis Magister declarare, aliquos frui exemptionibus (quas reales appellat praedictum Generale Definitorium illis scilicet, quibus ratione Officii, gradus, & antiquitatis quadraginta annorum in Religione gaudere possunt, tam juxta Constitutiones nostras, quam Sanctae Sedis Decreta, necnon & aliorum Capitulorum Generalium).

38. Item decrevit, quod jus eligendi Provinciale devolvatur in Magistrum Generalem, casu quo Electores in Capitulo Congregati infra tres dies a primo Electionis inclusive de persona eligenda non convenierint, vel electio non fuerit facta juxta Sacros Canones, Constitutiones, & Decreta Ordinis, jureque cassanda venerit: tunc namque Magister eliget Provinciale. In ceteris vero electionibus forma nostrarum Constitutionum observari debet.

39. Item decrevit, quod qui fuerint Magistri Generales habeant immediationem Magistro Successori, & locum immediatum Praelatis, & in omnibus Congregationibus, tam Generalibus, quam Provincialibus cujuscumque Provinciae, in qua tempore convocationis interfuerint, Vocem, & Votum electivum; & decisivum habeant, sicut quilibet ex Definitoribus, & Electoribus dictae Congregationis, similiterque locum immediatum Praesidi.

40. Item confirmavit, & approbavit praedictum Generale Definitorium, quod Capitulum Generale Toletanum statuit erga Vicarios Generales Indiarum, nempe quod praedicti Vicarii Generales Indiarum justis de causis possunt a Magistro Ordinis ab Officio amoveri, eorumque regimen debet esse juxta nostrarum Constitutionum tenorem, qui nequeunt nominare Commissarios Generales in eorum absentia, praecipue in illis Provinciis, in quibus saltem ad unum Conventum pervenerint; sed liberum relinquunt regimen Patribus Provincialibus, nisi ob casum, & gravem causam ad Visitaciones moyentem, quam per propriam personam facere nequeant. Quod si fecus fiant praedictae nominationes, nullius valoris, aut roboris esse declaramus. Et quamvis tales Vicarii Generales possint confirmare, & annullare Capitula Provincialia, & Provincialium

electiones, minime tamen poterunt eas annullare, similiterque nec suspendere, vel privare Provinciales valebunt, nisi prius legitima causa juridice acta, & conclusa. Et in casu quo poena suspensionis debeat imponi, prius duos Praelatos, seu Definitores consulere tenentur, ad privationem vero quatuor. Hac forma sententia producta a Vicario Generali, & quatuor Definitoribus, habeat effectum, executivum qualibet appellatione interposita: & cum eisdem Definitoribus, quorum consensu Provinciale privaverit, vel suspenderit, Vicarium eligat Provinciale, ne Provincia maneat orbata gubernio.

41. Praeterea praedictum Generale Definitorium approbavit, & confirmavit, quod Capitulum Generale Murciense decrevit erga praedictos Vicarios Generales Indiarum, nempe quod deficiente Provinciali absque nominatione Vicarii Provincialis, non poterunt hujusmodi Vicarii Generales Indiarum nominare Vicarium Provinciale, sed succedere debet in officio Commendator domus, ubi celebrandum est Provinciale Capitulum immediate futurum, & suo Ordine Definitores. Tamen praedicti Vicarii Generales Indiarum ratione sui officii habent jus convocandi ad celebrationem Capituli Provincialis, in eoque praesidendi. Habent similiter suffragium in omnibus electionibus, & Definitoriis intra Capitulum.

42. Insuper praedictum Generale Definitorium approbavit, & confirmavit Decreta Capituli Generalis Toletani, quo decernitur, quod praedicti Vicarii Generales Indiarum non possunt vocare Religiosos Doctrinarios ad visitationem extra suam doctrinam, nec ipsi ita vocati tenentur adire, sed in eisdem doctrinis debent Vicarii Generales, vel eorum Visitatores ab ipsis rationem petere. Nec extra praedictam Visitacionem possunt Doctrinarios privare, sed hoc fiat praecedente causa legitima, qua juxta nostras Constitutiones privantur Commendatores suis Commendis. Et nunquam Doctrinarij sua doctrina decedant, usque dum successores advenierint.

43. Praeterea cum ex nostris Constitutionibus capite decimotertio secundae distinctionis electio Procuratoris Generalis Ordinis in Curia Romana pertineat ad Magistrum Generalem, & Generale Capitulum, hoc praedictum Generale Definitorium confirmavit, quod Generale Capitulum Murciense decrevit, nempe, quod si post factam nominationem praedictam tale Officium Procuratoris Generalis Ordinis in Curia Romana vacaverit per mortem, renunciationem, privationem, vel per aliam legitimam causam, jus nominandi de novo penes praedictum Magistrum Generalem maneat.

44. Insuper confirmat praedictum Generale Definitorium, quod Capitulum Generale Murciense decrevit; videlicet, quod

Vicarii Gen. Indiarum.

Doctrinarij.

Præcedentia Procuratoris Generalis.

quod talis Procurator Generalis, qui ad Magisterium ascenderit ex praesentatura juxta Decretum Capituli Generalis Toletani confirmatum a Sanctissimo D. Urbano VIII. opinionem habeat loci inter Magistros suae Provinciae cum praecedentia ad omnes, qui in ea ad talem gradum fuerint promoti post ipsum, si alias habet conditiones, & requisita juxta Constitutiones, & decreta Apostolica ad Magisterium de justitia obtinendum: quod si praedictis qualitatibus fuerit destitutus, locum habeat immediatum omnibus Magistris del numero. Denique si fuerit Magister, & juxta superius dicta suffragatus fuerit in Capitulo Generali, gratis, & exemptionibus eorum, qui fuerint Provinciales, gaudebit, absque optione tamen praecedentiae ad eos, qui postea fuerint Provinciales.

45. Praeterea praedictum Generale Definitorium statuit, quod eadem forma, ac praedictus Procurator Generalis in Curia Regia ad negotia, quae in ipsa sese obtulerint, peragenda, approbans in hoc, & confirmans antiquam Religionis consuetudinem.

46. Insuper approbavit, & confirmavit, quod statutum fuit in Capitulo Generali Murciensi, nempe, quod triennium Officii Provincialis computari debet secundum annos Ecclesiasticos, non juxta Solares, itaut regulariter celebretur Capitulum, & electio novi Provincialis Sabbato ante Dominicam, in qua per triennium ante fuerat celebratum Capitulum. Et similiter confirmavit decretum Capituli Generalis Murciensis, quo statuitur, quod si per duos menses ante complementum triennii non fuerint literae convocatores Magistri Generalis notificatae Provinciali Provinciae, in qua celebrandum est Capitulum, poterit Provincialis literas suas convocatorias expedire, secus tamen si a Magistro fuerint expedite. Quod si nulla fuerint notoriae factae Vocalibus, sciant se esse convocatos ad celebrationem Capituli, die quo juxta dicta supra expletur triennium. In Capitulo autem Provinciali primam vocem habeat Magister Generalis, vel ille, qui ejus loco praesidet. Praeter assignatos a Constitutione etiam habent vocem in Capitulo Definitores Provinciae, dummodo sint per triginta annos a Professione antiqui, & Procuratores Generales cujuslibet Provinciae, juxta Decreta plurimorum Capitulorum Generalium, quae a Capitulo Generali Murciensi, & ab hoc approbata, & firmata sunt.

47. Praeterea approbavit, & confirmavit praedictum Generale Definitorium declarationem Capituli Generalis Murciensis erga caput sextum secundae distinctionis nostrarum Constitutionum, ubi agitur de nominatione Vicarii Capituli Provincialis: decernit igitur, quod ubi dicitur, Provincialis nominet in Vicarium Capituli, ponatur: Praeses Capituli; sub hoc enim titulo declaratur jus Praesidentis Capituli, modo Magister Generalis sit, ejus Bull. Rom. Tom. VI. Par. V.

que Vicarius, aut Provincialis, seu quicumque praesuerit dicto Capitulo: idemque servandum est in aliis Capitibus, & ubicumque agitur de Provinciali tamquam Praeside, ut omnino tollatur aequivocatio.

48. Insuper decrevit praedictum Generale Definitorium approbans, & confirmans statuta Capituli Generalis Murciensis, quod ad electionem Capituli Provincialis omnes Vocales conveniant in Domo assignata celebrationi Capituli in Vigilia Dominicae Cantate, vel alterius Dominicae a convocatione Capituli designatae (semper enim electiones in Sabbato fieri debent) nullusque locum Capitulum ingrediatur usquedum ad sonitum Campanae omnes vocentur. Et eodem die, ut consuetudinis est in Religione nostra, vespertina sessione omnes congregentur, & a Praeside Capituli aliqua brevi, & eleganti Oratione finis, ad quem conveniant, proponatur, simulque eos ad electionem novi Provincialis exhortetur. Deinde referat omnes Fratres per triennium defunctos in illa Provincia: & statim surgat, & dicatur De profundis, &c. ut habetur in Constitutionibus. Deinde ad qualificationem, seu examen eorum, qui in tali electione vocem, & suffragium habent, procedatur, fiatque legitima, & canonica regulatio omnium juxta formam Constitutionum. Die sequenti ad auroram omnes Vocales simul ingrediuntur Capitulum, & servetur forma Electionis, prout in Constitutionibus. Et Electores Capituli Provincialis teneantur intra triduum convenire in persona eligenda, & legitime, ac canonicè eligere Provinciale, alias devolvitur jus ad Magistrum Generalem. In aliis vero Electionibus omnes praesent suffragia juxta formam nostrarum Constitutionum. Et si persona electa in Provinciale fuerit absens a Provincia, poterit Magister Generalis de consilio Definitorum nominare Vicarium Provinciale ad regimen Provinciae cum omnimoda facultate a nostris Constitutionibus Vicariis Provincialibus concessa, quem Provincialis electus revocare non poterit, nec de novo alterum nominare, usquedum suam Provinciam ingrediatur. Post electionem vero Provincialis, & juramentum ab ipso praestitum omnes e Capitulo processionaliter egrediantur, & ad Ecclesiam procedant, cantando Hymnum: *Te Deum &c.* ubi profusus Provincialis electus accipiat Benedictionem a Praeside, ut ex antiqua Religionis consuetudine fit juxta formam in capite quarto secundae distinctionis nostrarum Constitutionum de electione Magistri contentam: Magister autem Generalis tenetur confirmare electionem Provincialis canonice, & juxta formam nostrarum Constitutionum factam: quod si renuerit illam confirmare, causas, & defectus canonicos erga electionem, vel personam electam manifestare debet. Provincia autem Galliae, & Italiae infra tempus quatuor mensium tenentur praesentare coram Magistro

Electio Capituli Prov.

M m Genc

Generali electionem sui Provincialis; quod si infra dictum tempus eam non presentaverint, electio sit irrita, & nulla.

49. Insuper decrevit prædictum Generale Definitorium, approbans, & confirmans, quod statutum fuit in prædicto Capitulo Generali Murcienfi, nempe quod Provincialis per tempus duorum mensium ante celebrationem Capituli Provincialis non potest priare Commendatores sua. Commenda, licet possit eos ab Officio suspendere usque ad celebrationem Capituli, in quo votum, & suffragium habebunt. Et quamvis Provincialis jure Constitutionum in aliquibus casibus possit nominare Vicarium Provinciale; in hoc tamen jure, & facultate non succedit Vicarius Provincialis, etiam si sit in capite; sed casu quo morte, vel alio titulo defecerit, in Officio Vicarii Provincialis succedent, qui jure nostrarum Constitutionum sunt vocati, Provincialatu vacante, absque substitutione Vicarii Provincialis, usque dum Magister Generalis, si fieri potest, erga hoc provideat; Et si Provinciale mori contingat absque eo, quod nominet Vicarium Provinciale in sui Officii Successorem, tunc temporis sit in libera potestate Magistrum Generale confirmare in Vicarium Provinciale talis Provinciae Commendatorem Domus futuri Capituli Provincialis; vel si maluerit, alium ex Patribus ad dictum Officium ab ipsis Constitutionibus vocatis, vel quemvis alium ex tota ipsa Provincia pro suo arbitrio, prout melius judicaverit. Et in hoc sensu sunt legitime intelligenda verba Constitutionis capite septimo secundæ distinctionis, ubi sic: Vel in eo casu Magister provideat in illa Provincia quisquis debeat esse Vicarius Provincialis: hujusmodi autem declaravit prædicta verba Capitulum Generale Bilbilitanum; in hac autem facultate nominandi Vicarium Provinciale minime succedit Vicarius Generalis totius Religionis, cum illi non liceat Electores mutare, aut novos eligere ad Capitulum Generale.

Quod si tempore sui Gubernii Provinciale mori contingat absque nominatione Vicarii Provincialis, sit ejus successor Commendator domus ubi celebrandum est Capitulum Provinciale immediate futurum, & suo ordine Definitores, juxta nostras Constitutiones.

50. Præterea decrevit prædictum Generale Definitorium, similiter confirmans statuta prædicti Capituli Generalis Murcienfi, quod si Provincialatus vacaverit per renunciationem, non poterit Provincialis renunciare Successorem Vicarium Provinciale nominare, sed succedat in tali Officio a Constitutione nominati eo ordine, quo Decreto antecedenti est exposita, & declarata Constitutio. Si autem Provincialis fuerit impeditus bello, peste, vel alio titulo, taliter quod per se, neque majorem partem Provinciae gubernet, neque pro illa Vicarium Provinciale instituerit, qui ejus loco moderamini

Provinciae invigilet, poterit Magister Vicarium Provinciale nominare cum omnimoda facultate, juxta nostras Constitutiones, usque dum Provincialis gubernio sit expeditus, vel Vicarium suum instituat. Et quamvis Provincialis infirmitate, absentia, vel alio titulo impeditus Vicarium Provinciale juxta facultatem nostrarum Constitutionum instituerit, non intelligatur talem Vicarium morte succedere in Officio, nisi id specialiter in literis patentibus declaratur; sed tunc temporis succedant nominati a Constitutionibus, veluti si nullum Vicarium, & Successorem nominasset.

51. Insuper decrevit prædictum Generale Definitorium, quod Provinciali, vel Vicario Provinciali in capite omnino impedito, tempore quo ad Capitulum Generale celebrationem instante, ejus loco vocem habeat in electione Magistrum Generale (ne sua Provincia hoc suffragio orbetur) qui jure nostrarum Constitutionum ad Officium Vicarii Provincialis est vocatus, nempe Commendator Domus, ubi celebrandum est Capitulum Provinciale proxime futurum, vel Definitores Provinciae, servato ordine antiquitatis.

52. Præterea cum ex antiqua Ordinis consuetudine a pluribus Capitulis Generalibus approbata, & stabilita fiat electio quatuor sociorum Provincialis ad suffragandum in Capitulo Generali, duorum, nempe Definitorem Generale, & duorum Electorum, prædictum Generale Definitorium decrevit confirmare Decretum Capituli Generalis Murcienfi, quod in Capite octavo secundæ distinctionis nostrarum Constitutionum, ubi dicitur: Fiat electio duorum sociorum ipsius Provincialis, dicatur: quatuor sociorum, quæ electio fieri non poterit ex eis, qui fuerint electi ad tale munus in Capitulo Provinciali proxime antecedenti, nempe sub eodem titulo: Quapropter qui fuerint Definitores, poterunt eligi in Electores, & e contra.

53. Præterea prædictum Generale Definitorium confirmans similiter statuta præfati Capituli Generalis Murcienfi, decrevit, quod si quis Definitor, aut Elector Generalis infirmari contigerit, aut si aliqua causa impeditus instante tempore celebrationis Capituli Generalis, poterit Provincialis simul cum Definitoribus Provinciae alterum illius loco eligere, & substituere, etiam si legitime impeditus titulum suum renunciare noluerit, absque præjudicio tamen juris ejus, si forte impedimentum cessaverit, & Capitulo interfuerit; tunc enim jure suo gaudebit, ac electioni suffragabitur, etiam si alter ejus loco electus fuerit, & si Definitor Provinciae ab illa abfuerit, & Definitorium pro emergentibus casibus sit congregandum, poterit Provincialis simul cum aliis Definitoribus loco absentis alium eligere, qui vocem in Definitorii habeat.

54. Insuper prædictum Generale Definitorium simul confirmans statuta Capituli

pituli Generalis Murcienfi decrevit, quod in Definitorio Capituli Provincialis faciendum post electionem Provincialis, conveniant Præsides Capituli Provincialis electus, & Provincialis, vel Vicarius Provincialis absolutus, & quatuor Definitores Provinciae, qui omnes suffragium decisivum habent, tam in electionibus commendatorum, quam in decretis, quæ pro bono regimine, & Provinciae reformatione statuuntur, & Provincialis absolutus, vel Vicarius Provincialis, habeat locum immediatum a dextris Præsidentis in omnibus Congregationibus, usque ad absolutionem Capituli Provincialis: Absolutus, vel ejus Vicarius, seu Visitator manifestare debet Definitorio, quæ ex suis Visitationibus reformatione digna repererit, & notaverit, ut præferentur, vel corrigantur, prout convenientius visum fuerit: Causaque omnes, Informationes, & Processus in suo triennio formati teneantur Successori tradere, minimeque comburantur, nisi eorum fratrum, qui e vita jam decesserint: Quapropter in capite nono secundæ distinctionis nostrarum Constitutionum consequenter delenda sunt verba illa, nempe: Provincialis de Consilio Definitorum, &c., & ponenda sunt hæc: Præsides Capituli de Consilio Provincialis electi, & absoluti, ac Definitorum, &c.: & similiter in capite decimo ejusdem secundæ distinctionis delenda sunt verba illa: Postea solus Provincialis, &c., & ponenda hæc: postea solus Præsides Capituli cum Provinciali electo, Provinciali absoluto, & Definitoribus, &c.

55. Insuper decrevit prædictum Generale Definitorium, quod si in his, quæ a Definitorio Provinciali decernuntur, suffragia sint divisa in partes æquales, prævalebit pars, cum qua concordaverit Præsides: quod etiam est observandum, quoties in decursu triennii ad aliquid decernendum Definitores convenierint. In electionibus vero jus nostrarum Constitutionum, ut rite, & canonice fiant, servari debet. Si tamen Definitores congregati infra tres dies (a prima electionis inclusive) de persona eligenda non convenierint, devolvitur in Magistrum Generale jus eligendi, sicut in electione Provincialis.

56. Insuper decrevit prædictum Generale Definitorium, quod in capite undecimo secundæ distinctionis nostrarum Constitutionum, ubi dicitur: quarta die conveniant omnes in Capitulo, addantur sequentia: Ibi que a Præside Capituli fiat oratio brevis spiritualis, & devota, quæ Prælatos electos in munere sui Officii exequendo instruat, dirigat, & moneat. Deinde a Secretario Capituli coram omnibus legatur Decreta, & Statuta a Definitorio pro majori reformatione ejusdem Provinciae. Ulterius etiam legatur Edictum S. Inquisitionis, ut est laudata, & antiqua consuetudo nostræ Religionis: quibus præpositis, debet continuari prædictum caput, Bull. Rom. Tom. V. l. Par. V.

prout in dictis nostris Constitutionibus continetur.

57. Præterea cum in Provincia Aragoniæ circa electionem Provincialis servetur alternativa, ita, & taliter, quod una vice Provincialis sit ex Catalonia, vel Sardinia, & alia vice Regni Aragoniæ, & Navarrae, dummodo reperiatur persona habilis, & requisita habens ad Officium Provincialis exercendum, & prædicta alternativa debeat pensari non penes originem, & filiationem naturalem, sed juxta Professionem in Religione, taliter, quod qui Professionem emisit in Conventibus Aragoniæ, vel Navarrae, poterit esse Provincialis in ejus alternativa, etiam si natione sit Catalanus, & e contra, ut qualibet occasio præjudicii cuicumque parti penitus evellatur, prædictum Generale Definitorium decrevit, ac declaravit, quod nemini faveat adoptio in Conventibus aliqujus partis, ut illius alternativa gaudere possit, sed semper debet pensari penes filiationem ex reali professione emissa.

58. Insuper prædictum Generale Capitulum decrevit, quod Patres Redemptores Provinciarum Aragoniæ, & Valentiniæ, dum ad redimendos captivos proficiscuntur, simul eant, neque aliqua inter eos sit Superioritas, sed unusquisque suum librum deferat, ubi adnotabit omnia ad Redemptionis munus pertinentia, sicut Redemptores Castellæ, & Vandalici faciunt.

59. Præterea approbavit, & confirmavit, quod statutum est in Capitulo Generali Murcienfi, nempe, quod in qualibet Provincia expensis ipsius Carceres designentur, in quibus Religiosi pro qualitate criminum detineantur, & purgentur, & juxta decretum Sanctissimi Urbani VIII. eorum incorrigibilitas tentetur: pro expensis vero tam ad formationem Carcerum, quam ad sustentationem delinquentium Conventus Provinciae juxta dispositionem Provincialis contribuant, & in qualibet Provincia depositum instituat, in quo Processus, & causæ Religiosorum serventur, simulque formetur liber, in quo notentur causæ, seu Processus, itaut registrati maneant, quæ omnia Provinciales Successoribus suis fideliter conferre tenentur.

60. Præterea prædictum Generale Definitorium approbavit, & confirmavit declarationem factam a Capitulo Generali Murcienfi erga Consiliarios Conventuum, de quo agitur capite decimotertio secundæ distinctionis nostrarum Constitutionum, videlicet: quod in quolibet Conventu Ordinis omnes Patres graduati debent esse Consiliarii, & ut tales teneri, & ubi non fuerint tres graduati, Vicarius Conventus, Prædicator Conventualis, & Magister Novitiorum sunt in Consilium vocandi: semper tamen supponendum est, quod si aliquis graduatus ibi degerit, vocandus sit, & juxta hunc tenorem prædictum caput ordinari debet.

61. Præterea approbavit, & confirmavit

firmavit prædictum Generale Definitorium, quod statutum est a Capitulo Generali Murcienſi erga diſpoſitionem capituli quintodecimi ſecundæ diſtinctionis noſtræ Conſtitutionum, conſequenter ad alia ſtatuta ſupra poſita, nempe quod prædictum caput tenore hujusmodi incipiat: Commendatores domorum Ordinis noſtri a Præſidenti Capitulī, ac Provinciali electo, & Provinciali abſoluto, ſimulque cum quatuor Definitoribus Provinciali deſignentur, & provideantur.

Vestiarium.

62. Insuper approbavit, & confirmavit Decretum Capituli Gen. Murcienſis, quo ſtatuitur, quod Commendatores intra triennium Religioſis omnibus Conventualibus Veſtiarium præſtare tenentur ſub pœna privationis vocis activæ, & paſſivæ in Capitulo proxime futuro, etiamſi alius Magiſtri, vel Præſentati exiſterint. Commendatores autem obſervare tenentur motum proprium Sanctiſſimi Urb. VIII. circa bona Eccleſiæ non alienanda, & juxta hoc debet diſponi tenor clauſulæ prædictæ alienationis, firmo, ac ſervato ſupradicto capite decimoquinto.

63. Præterea cum ex Decreto Sanctiſſimi Domini Clementis VIII. nullus in Priorem domus Barchinonenſis poſſit eligi, niſi fuerit Magiſteri, vel ad minus Præſentaturæ Gradu inſignitus, & electio aliter facta irrita ſit, & nullius valoris: Capitulū Generale Murcienſe de anno milieſimo ſexcenteſimo trigieſimoſexto declaravit, ac decrevit debere eſſe talem præſentaturam de leſtura, & de numero Provinciali: quod ſtatutum hoc prædictum Generale Definitorium approbavit, & confirmavit.

64. Præterea cum in Capitulo Generali Toletano decretum ſit, quod Prior Barchinonenſis (qui ex jure noſtrarum Conſtitutionum vacante Generalatu ante expletum ſexennium in officio Vicarii Generalis cum plena juriſdictione ſuccedit) ſi quando dictum Vicariatū adierit, ſit ſolum Præſentatus, ipſo facto Magiſter, ob Officii gravitatem, & regimen totius Religionis habeatur, nominetur, & ſit: quod Decretum confirmatum fuit a Sanctiſſimo Domino Urbano VIII. nunc prædictum Generale Definitorium declarat, quod ut talis Magiſter teneatur, & inter Magiſtros ſuæ Provinciali locum habeat, ſi per undecim annos in leſtura Artium, & Sac. Theologiæ cum approbatione Definitorii dictæ Provinciali ſe exercuerit: locus autem antiquitatis computari debet a die, qua Vicariatu Generali functus fuit: decernitque prædictum Generale Definitorium, quod ſi Magiſter de numero ſuæ Provinciali fuerit, cum fungi aggreditur dicto Vicariatu Generali, exemptionibus Provincialiſ (ſicut ſi prædicto munere functus fuiſſet) gaudeat, cum præcedentia ad cæteros Magiſtros ſuæ Provinciali, & loco immediato omnibus, qui fuerunt Provincialiſ, & erunt.

65. Præterea decrevit prædictum Generale Definitorium, quod Viſitator di-

ligenter in Viſitationibus ſuis curet de bonis, & eleemoſinis pro Redemptione Captivorum, provideatque, ut in omnibus Conventibus Procuratores, ſive Commiſſarii Redemptionis pro ipſis eleemoſinis colligendis ſint deſtinati Religioſi, zelo, & charitate ferventes, & eos, quos negligentes in tali munere repererit, ſuis officiis privet, & pœnis pro ſuo arbitrio puniat, alioſque loco ipſorum ſubſtituat. Similiter diligenti cura provideat de aliis officiis, de Vicario, Procuratore, Magiſtro Novitiorum, Depositiariis, & Sacriſta: Insuper Viſitatores in ſuis viſitationibus ſummopere inquirent, ſi Commendatores a ſuis ſubditis munera aliqua accipiant. Quod ſi (proh dolor) eorum aliquos munerum amatores invenerint, eos propriis Commendis privet, eandemque ſimiliter faciat inquisitionem Magiſter Generalis per totum Ordinem, tam circa ipſos Commendatores, quam circa Provincialiſ: quod ſi donorum receptores invenerint (præcipue ab illis, quibus Officium, vel Commendam contulerint) hos omnes, & ſingulos, tam Commendatores, quam Provincialiſ propriis officiis privet, ipſos etiam publicis poenitentibus, & caſtigationibus omni, & ſummo cum rigore adſtringendo, ut illis in correptionem, reliquis verò fratribus ſit in exemplum.

66. Insuper decrevit prædictum Generale Definitorium ſub pœna privationis vocis activæ, & paſſivæ per decennium, & reclusionis per biennium, ac gravioris culpæ, quod nullus ex noſtris Religioſis poſſit recuſare in ſuis cauſis Prælatos legitimos, & ordinarios, nec recuſatio ſit valida, ſi illam faciat, donec per duos ex Patribus Commendatoribus propinquioribus, vel per duos Patres Definitores videantur infra terminos, & tempus a Sacris Canonibus, & Conciliis præfixum, & ſtatutum cauſæ recuſationis, an fuerint ſufficientes: interim autem, donec infra terminos, & tempus a Sacris Canonibus, & Conciliis præfixum, & ſtatutum cauſæ recuſationis diſcutiuntur, Prælati recuſati ſuspendere debent excuſationem cauſarum, ac ſimiliter ſtatuit ſub pœna privationis vocis activæ, & paſſivæ in perpetuum, & inhabilitatis perpetuæ ad obtinendum quodlibet officium, ne literæ deprecatoriæ impetrentur a Religioſis per ſe, vel interpoſitam perſonam directe, vel indireſte ob obtinendum aliquod Officium, vel munus noſtri Ordinis, neque ad id favoribus perſonalibus utantur.

67. Præterea approbavit, & confirmavit prædictum Generale Definitorium Decretum Capituli Generalis Murcienſis, nempe, quod qui ſemel profeſſionem emiſerunt, & ad ſæculum qualibet ex cauſa regreſſi ſunt, ulterius non poſſint admitti de novo ad Religionem, niſi de licentia Magiſtri Generalis, vel niſi in articulo mortis humiliter Habitum, & Profeſſionem petierint, non tamen, ut inter noſ iterum commorentur.

Inſu-

68. Insuper ſtatutum fuit, quod Religioſi Sacerdotes iter agentes, ubicumque occaſionem Sacrum celebrandi repererint, non præmittant, nullique Religioſo cauſa infirmitatis detur licentia de Monasterio exeundi ad Domos ſeculares, ſuper quo conſcientiæ Prælatorum onerantur, ut decrevit Generale Capitulū Murcienſe.

69. Præterea approbavit, ac confirmavit præd. Generale Definitorium, quod decretum fuit a prædicto Capitulo generali Murcienſi, nempe quod nullus Religioſus audeat ingredi Curiam Regiam, niſi immediate poſt duodecim horas Commendatori Conventus Matricenſis ſe præſentaverit. Quod ſi aliquis contrarium fecerit, a Commendatore incarceretur, donec a Provinciali veniam recipiat.

70. Præterea approbavit, & confirmavit prædictum Generale Definitorium decretum Capituli Generalis Toletani a Capitulo Generali Murcienſi ſimiliter approbatum, & confirmatum, videlicet, ut nullum negotium ad bona temporalia Conventuum pertinens, quod Patribus in Capitulo proponi neceſſum ſit, eodem die, quo proponitur, reſolvatur, ſed in diem ſequentem ejus reſolutio diſſeratur. Præcipiturque Patribus Commendatoribus in virtute Sanctæ Obedientiæ, & ſub pœna privationis officiorum, ne in contrarium hujus Decreti quidquam agant, idque obſervetur quotieſcumque re gravi, cujuſcumque materiæ illa ſit, propoſita Conventui, aliquis ex fratribus affirmet, ſe ad illius reſolutionem conſultatione, & ſtudio indigere, & ſub eiſdem pœnis præcipitur Commendatoribus, ne ſupplicas, & petitiones, quæ pro negotiis Conventuum mittuntur ad Superiores ſubſcriptis nominibus Religioſorum, ſubſcribere compellant, quin prius in Capitulo pleno legantur, ibique publice ab omnibus ſubſcribantur, & ſub pœna gravioris culpæ per duos meſes præcipitur Religioſis, ne aliter prædictas petitiones ſubſcribere audeant, vel præſumant, ut decretum ſit in prædicto Capitulo Generali Murcienſi.

71. Cum ex Decreto Sanctiſſimi Domini Clementis VIII. nemo ad Præſentaturam exponi poſſit, qui non legerit (ultra tres annos Logicæ, & Philoſophiæ) duos alios Theologiæ Scholaſticæ, aſſiſtendo conferentiis, & aliis actibus pro Magiſtris deſignandis: ſimiliter nullus ad Magiſterium aſſumi, qui non legerit quotidie unam lectionem Theologiæ Scholaſticæ per ſpatium ſex annorum, ſupra illos quinque ad Præſentaturam requiſitos, & qua de ſero ſemper adſuerit conferentiis, aut præſidendo, aut replicando, & unoquoque anno præſederit alicui actui publico, ſeu publicis diſputationibus, prædictum Generale Definitorium decrevit, & declarat: quod ſi Lectores in Cathedra alicujus Univerſitatis (de licentia tamen Superiorum) fuerint occupati, ſive in lectione continua Artium, ſive Sacre Theologiæ per ſpa-

tium quinque, vel undecim annorum, ad Præſentaturam, vel Magiſterium aſſumi poſſunt.

72. Præterea cum juxta Decretum Capituli Generalis Toletani a Sanctiſſimo Urbano VIII. confirmatum, nullus ad Leſturam Artium, vel Sacre Theologiæ promoveatur, niſi facta oppoſitione, in qua per unam horam de materia ſortita per viginti quatuor horas antecedentes publice legat, & per ſpatium alterius horæ argumentis oppoſitorum ſatisfaciat, quo examine acto, tanquam ſufficiens approbetur: prædictum Generale Definitorium declaravit, quod ſi prædicta approbatione omiſſa in Leſtura aliqua ſe exercuerit, nullius eſſe valoris ad prædictos gradus obtinendos, obtentioque eorum nulla, & irrita ſit: prædictum autem examen decrevit Capitulū Generale Murcienſe, quod fieri debet in materia Leſturæ, ad quam promovetur, nec ſufficit approbatio ad Leſturam Artium, ut pro Theologia approbatus quis judicetur, nec contra, & anni prædicti Leſturæ ad gradus obtinendos, debent eſſe completi, taliter quod pro uno anno non poſſint admitti duo curſus, ſed ſinguli ſingulis annis reſpondere debent, alias irritos, & nullos eſſe: quæ omnia prædictum Generale Definitorium approbavit, & confirmavit.

73. Præterea decrevit prædictum Generale Definitorium, quod nullus ad gradum Præſentaturæ exponatur, niſi prius ad Baccalaureatus gradum in aliqua Viſitatione ſit admiſſus, vel a Magiſtro Ordinis, aut a Provinciali ſuæ Provinciali ſit promotus: prædicta autem requiſita ad gradum Præſentaturæ, & Magiſterii de numero deſignata minime poſſunt ſuppleri per alia merita, exercitia, vel obſequia Religioſi exhibita, cujuſvis qualitatis extiterint: quod ſi impoſterum aliqui tales gradus abſque prædictis requiſitis, & conditionibus receperint, ex nunc tanquam irriti, & nullius valoris eſſe declaravit Capitulū Generale Murcienſe, in memoriam revocans, & obſervari præcipiens Bullam Sanctiſſimi Domini Pauli V. ad hunc effectum ſpecialiter expeditam, ſalva ſemper auctoritate apoſtolica in prædictis diſpenſandi.

74. Cum ex Decreto Capituli Generalis Toletani a Sanctiſſimo Domino Urbano VIII. confirmato, probationes, ſeu informationes annorum Leſturæ fieri debeant immediate ab ipſis Provincialibus, vel ſuis Viſitatoribus ſpecialiter in ſcrutinio ſecreto Viſitationum, & publice per teſtimonia ſanioris partis Conventus, itaut ad hunc effectum commiſſionem nulli poſſit tribuere, niſi tempus celebrationis Capituli iſſet, & ad tales Conventus Provincialiſ non poſſit pervenire, prædictum Generale Definitorium decernit, & declarat, quod probationes, & informationes Leſturarum ſupradicto modo factæ præſentari tenentur in Capitulo Provinciali coram Definitorio, & ibidem examinari, & approbari, quæ approbatione dignæ repertæ ſunt.

fuerint. In quo examine habeant jus se opponendi Lectores quilibet, qui rationes aliquas in contrarium proponendas habuerint. Præterea hujusmodi approbationes hoc riguroso examine a Definitorio factæ, non judicantur sufficientes ad confirmationem, sive Præsentaturæ, sive Magisterii; sed ulterius requiritur, ut a Definitorio intra Capitulum, penes quod est jus, & facultas (cum alias commode fieri non possit) ad tales gradus exponatur. Et cum nullus exponi possit, nisi in vacante determinata, ex Decreto Sanctissimi Domini Pauli V. nec confirmari, nisi prius sit expositus, poterit Definitorium Provinciale (ne gradus suspensi per longum tempus maneant, ex quo plura prævidentur bono regimini imminencia damna) Magistro Generali facultatem concedere, ut exponat unum ex approbatis, quem maluerit, quocumque tempore vacatio gradus accidat. Insuperque dictus Magister Generalis extra Capitulum Generale loco, & vice talis Capituli, potest confirmare in gradibus Præsentaturæ, & Magisterii quotiescumque aliquem vacare contigerit, quemlibet ex admittis rite, & ut fas est, a Definitorio Provinciali, juxta Decretum Sanctissimi Domini Pauli V., & hac eadem auctoritate gaudet Prior Barchinonensis, & quilibet alius, dum Officio Vicarii Generalis totius Religionis fungitur, juxta Decreta nostrarum Constitutionum.

75. Præterea decrevit, & declaravit prædictum Generale Definitorium, quod in cap. 25. distinct. secundæ nostrarum Constitutionum, ubi dicitur, quod solum sunt admittendi ad Magisterium, qui fuerint in conclusionibus publicis in Capitulo Generali, vel Provinciali approbati, addendum est: Aut saltem in aliquo nostri Ordinis Collegio, sive Conventu studiorum.

76. Insuper prædictum Generale Definitorium statuit, ac ordinavit, quod Magister Generalis in confirmatione gradus Magisterii designet aliquem Magistrum confirmatum in Promotorem ad talem gradum forma nostrarum Constitutionum conferendum, a quo promovendus solentiter gradum recipiat intra duos menses post confirmationem: aliter autem maneat ipso facto tali gradu privatus.

77. Præterea hoc prædictum Generale Definitorium decrevit juxta Decretum Capituli Generalis Toletani a Sanctissimo Domino Urbano VIII. confirmatum, & similiter juxta Decreta Capituli Generalis Murciensis, quod ut omnino deinceps litigia circa ordinem sedendi evitentur inter Magistros, & Præsentatos, servetur ordo juxta gradus, non vero professionis antiquitatem. Definitores Provinciarum, & Definitores, ac Electores Generales, si sint Magistri, præcedat omnes alios Magistros, si vero Magistri non fuerint, sint Magistris immediati, etiam si non sint præsentati, inter ipsos tamen ordo antiquitatis servetur: Hæc ita sunt extra-

Capitulum, intra Capitulum vero, si sit Provinciale, & Definitores Provinciae antecedunt omnes, excepto Præfidente, & Provincialibus, electo, & absoluto. In Capitulo vero Generali, Provinciales sint immediati Præfidenti juxta Provinciarum antiquitates, deinde Prior Barchinonensis, si non præfideat, postea Procurator Generalis in Curia Romana, postea Definitores Generales juxta antiquitatem suarum Provinciarum, & denique eodem ordine succedant omnes Electores Generales. Prior vero Barchinonensis, qui Vicarius Generalis totius Ordinis fuerit intra Provinciam Aragoniæ, si fuerit Magister, omnes alios Magistros præcedat; si autem Præsentatus, omnes illos antecedit Præsentatos. Patres autem Provinciales servant inter se Provincialatus sui antiquitatem, etiam si alio fungantur officio. Socii Magistri Generalis locum habeant immediatum Patribus Provinciarum, in qua extiterint, ita ut omnes Magistros præcedant. Patres Graduati aliarum Provinciarum in quacumque Provincia de licentia Superiorum extiterint, sint immediati Graduati talis Provinciae, ita ut si fuerit Magister immediatus, omnibus Magistris, & si Præsentatus, omnibus Præsentatis.

78. Cum ex Decreto Sanctissimi Domini Clementis VIII. bona stabilia, & ad legitimam fratris e vita decedentis pertinentia, quæ juxta Constitutionem spectabant ad Domum ubi Professionem emisit, sint conferenda, & veniant in jus Monasterii, ubi talis Religiosus Habitum Religionis suscepit: prædictum Generale Definitorium inherendo Statutis Capitulorum Generalium Hobtensis, Burtinensis, & Murciensis, statuit, & decernit, quod bona mobilia sic distribuantur: Habitibus, & vestes inter Religiosos magis indigentes: Libri vero a Magistro, vel Provinciali Conventibus studiorum (prout melius expedit) impertiantur: alia tamen bona (si quæ fuerint) solutis ante omnia debitis defuncti, in quatuor partes æquales dividantur, quarum prima Conventui, in quo Habitum suscepit, tribuitur: altera Provinciali pro expensis Provinciae conceditur, alia in Custodia Religiosi a Magistro Generali designati, pro sumptibus ejus, ubicumque extiterit, reponatur: Ultima denique ad Magistrum pro expensis sui Officii, & Negotiis Curia Romanæ mittatur.

79. Denique propositum fu it prædicto Generali Definitorio, quod alias in Capitulo Generali Barbastrensi ad instantiam Eminentissimi Domini Cardinalis de Lugo nostræ Religionis Protectoris, fuerat, decretum, videlicet, ut ad unguem maturè inquisitione nostræ Constitutiones examinentur, & judicii trutinæ perquirantur; nam multa cum in illis reperiantur obstructa, aliaque omissa notentur, quæ sæpius in variis Capitulis Generalibus ad validius Regularis Observantiæ fulcrum sunt notata indigent additione, & explicatione: Quapropter præfatis omnibus diversis sessionibus

bus mature in hoc prædicto Generali Definitorio collectis, & unanimi omnium consensu decretis, & confirmatis, prædictum Generale Definitorium auctoritatem suam & facultatem, qua ex vi nostrarum Constitutionum cap. secundo secundæ distinctionis gaudet, ea meliori forma, via, & modo, quo poterat, & necessarium esse, substituit, & substituere dixit in auctoritatem nostri Reverendissimi Generalis electi, ut nomine totius Generalis Definitorii, & Religionis suppliciter oraret Sanctissimum, pro confirmatione horum Decretorum, ut efficacius perpetuam observantiam assequantur: Eaque, & alia Decreta a S. Sede approbata, & confirmata, omniaque illa, quæ per tria Capitula Generalia sunt, & fuerunt approbata, quæ omnia jure nostrarum Constitutionum, ut in earum proemio continentur, vim Constitutionis in toto Ordine habent, & habere debent, recollecta singulis Capitibus prædictarum nostrarum Constitutionum adaptentur, & inserantur, & juxta ea prædicta capita disponantur, & corrigantur, omni inconsequentia, & contradictione accuratim attentata, & regalata, sicut disposita nosse Reverendissimus Generalis electus typis mandet, ut quamprimum possit ad omnes Provincias (pro eorum observantia) remittat.

82. Cum autem, sicut eadem expositio subjungebat, dictus Franciscus Procurator Generalis, Constitutiones hujusmodi, quo firmius substitant, & ferventur exaltius, Apostolicæ confirmationis nostræ patrocinio communitri summopere desideret: Nos ipsius Francisci Procuratoris Generalis votis hac in re, quantum cum Domino possumus, benigne annuere, eamque specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, de memoratorum Cardinalium negotiis, & consultationibus Episcoporum, & Regularium præpositorum, consilio, præfatas Constitutiones per novissimum Ordinis hujusmodi Capitulum Generale compilatas, ac a præfatis Cardinalibus visas, & mature, ac diligenter examinatas, atque in nonnullis emendatas, & in antedictam formam, ac tenorem redactas, auctoritate Apostolica, tenore præsentium approbamus, & confirmamus, illisque inviolabilis Apostolicæ firmitatis robur adjuicimus, ac omnes, & singulos juris, & facti defectus, si qui desuper quomodolibet intervenerint, supplemus, ac dictas Constitutiones exinde subsequuta earum publicatione per omnes, & singulos dicti Ordinis Religiosos, tam Superiores, quam subditos respective in usum recipi, & perpetuo observari mandamus, & præcipimus.

Præfatas Conlit. confirmat.

83. Decernentes easdem præfatas literas, & Constitutiones præfatas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodocumque spectabit, plenissime suffragari; sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

84. Non obstantibus, ac Constitutionibus, & Ordinationibus Apostolicis, necnon prædicti Ordinis, ejusque Provinciarum, ac Conventuum, & locorum Regularium quorumlibet, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

85. Volumus autem, ut earundem præsentium literarum transumptis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris, die 20. Dec. 1662. Pontificatus nostri Anno VIII.

CDXVIII.

Constitutio super regimine Superiorum, Societatis Jesu.

ALEXANDER PAPA VII.

Ad perpetuam rei memoriam.

DEBITUM Pastoralis officii, quo Ecclesiæ Catholicæ regimini divina dispositione præsidemus, exigit, ut paternam dilectorum filiorum Presbyterorum, & Clericorum Regularium Societatis Jesu, quæ ab ipsis foundationis suæ primordiis in re Christianæ Religionis juvanda, promovendaque Infidelium, & Hæreticorum conversione, & horum pertinacia retundenda, ac juventute literis, & probis moribus informanda, Christi que fidelibus in viam mandatorum Dei dirigendis (adjuvante Domino) sedulo semper, & fructuose laboravit, ac etiam nunc strenue laborat, curam peculiari studio gerentis, illa quæ prospero, felicique ipsius Societatis regimi-

Claufulæ.

Derogatio contrarium.

Transumptorum fides.

Dat. die 20. Dec. 1662. An. VIII.

Proemium.